



20. maj 2021

Inatsisartut suleriaasianni § 37 naapertorlugu Naalackersuisunut imaattumik apeqquteqarpunga.

Naalackersuisunut apeqqutit:

- 1. Maniitsup eqqaani Kangerluarsuup nunataani, erngup nukinganik nukissiorfiliortoqassappat ersarissumik paaserusunnarpoq, qanoq akeqassangatinneqarnersoq?**
- 2. Maniitsumi pilersinneqassappat nukimmik (GWh) qanoq annertutigisumik ukiumut pilersitsisinnaassava?**
- 3. Qasigianguit eqqaani Aasiaat ilanngullugu erngup nukinganik nukissiorfiliortoqarniarnera nukimmik (GWh) qanoq annertutigisumik ukiumut pilersitsisinnaanissaa naatsersuutigineqarpa?**
- 4. Qasigianguit Aasiannilu sanaartorneq siulliunneqassappat sanaartornermut aningaasartuutit ukiuni qanoq amerlatigisuni taarsorneqassappat imaluunniit qaqugu imminut akilissava?**
- 5. Maniitsumi sanaartorneq siulliunneqassappat sanaartornermut aningaasartuutit ukiuni qanoq amerlatigisuni taarsorneqassappat imaluunniit qaqugu imminnut akilissava?**
- 6. Maniitsumi imaluunniit Qasigianguit Aasiannilu nukik (GWh) pilersissinnaasaat sanaartornermilu aningaasartuutissat tamarmiusut eqqarsaatigalugit, sumi sanaartorneqarpat nunatta aningaasaqarneranut pitsaanerpaassava?**

(Inatsisartuni ilaasortaq Siverth K. Heilmann, Atassut)

Tungavilersuut

Nuannaarutiguaannarpara Nunatsinni erngup nukinganik nukissiorfiliortoqassatillugu mingutsitsinngitsumillu innuttaasut suliffeqarfiillu atuinissaannut politikkikkut aalajangiisarnigut, tamassumalu ingerlaqqinnissaanut qaqqani portusuuniittuni nukik annertoq pioreersoq atorluassallugit nalilersuinigut ataavartuujuartariaqarput.

Nunatta aningaasaqarnikkut inissisimanagera erngullu nukinga atorlugit nukissiorfiliorniarnernut atatillugu aningaasat taamak amerlatigisut nunatta avataaniit atorniarneqartariaqartut eqqarsaatigalugit, isumaqarpunga inatsisartuni inaarutaasumik aalajangiisoqartinnagu periarfissanik assigiinngitsunik inatsisartut nutaarpassuarnik ilataartortugut paasisutissiineq sukumiisumik ingerlattariaqaripput.



Neriutigalugu ullut suliffiusut iluanni akissuteqarfigineqarumaarlunga.